



沈隱侯集序



昔太史楊用脩氏彙次選詩外編其言  
曰謝客以俳章偶句倡于永嘉隱侯以  
切響浮聲傳於永明操觚之士靡然從  
之是故世之談藝者因以謝沈並列也  
就李沈道初先生已刻謝集而秣陵焦  
子弱侯序之矣茲再刻沈集屬張子題  
諸首簡張子曰予嘗讀隱侯之書而切

有慨云茫茫宇宙同心幾何郢人逝而  
匠石之斤廢鍾子亡而牙生之絃輟作  
之難知之難也隱侯既著郊居賦獨以  
示王筠且曰知音者希真賞殆絕其所  
感嘆非以是歟隱侯高才博學人倫師  
表見重閭里諷詠成音其工麗亦一時  
之選謂世不知隱侯者伊誰譽之謂世  
共知隱侯者又誰毀之知不知幸不幸

也何足以為隱侯病隱侯嘗題八詠詩  
於玄暢樓時推絕唱史稱謝眺善詩任  
昉工文約兼有之允哉全才之士矣或  
又稱沈約之作如閶闔踈鍾建章清漏  
不棘不徐有節有度其清婉可知杜子  
美詩宗也而八哀詩尚爾祖休文懷舊  
之作况下此者乎若黃勉之則云休文  
結體清怨構詞精密至如勿言一杯酒

明日難重持夢中不識路何以慰相思  
雖蘓李叙別奚以加焉其他雖不能稱  
是自可梁室獨步其為名流所賞識類  
此詳其旨趣究其體裁信文章之冠冕  
述作之楷模也及鍾嶸之撰詩評列為  
中品不無貶言私憾猶存公議安在是  
時邢子才魏收俱有重名時俗准的以  
為師匠邢賞沈約而輕任昉魏愛慕任

昉而毀沈約每於談宴辭色以之鄙下  
紛紜各樹朋黨嗟乎譽毀任情妍媸莫  
准當其時且亦然矣千載而下將安折  
衷哉然顯晦係乎其時屈伸繇於所遇  
故云文章者不朽之盛事諒有待也隱  
侯又撰四聲譜以為在昔詞人累千載  
而不悟而獨得胷衿窮其妙旨自謂入  
神之作雖高祖雅不好焉然大唐聲律

明日難重持夢中不識路何以慰相思

沈隱

侯集

明萬歷

沈啓南為

校刻四

卷本

稱類免為定以任

昉而毀沈約每於談宴辭色以之鄴下

紛紜各樹朋黨嗟乎譽毀任情妍媸莫

准當其時且亦然矣千載而下將安折

衷哉然顯晦係乎其時屈伸繇於所遇

故云文章者不朽之盛事諒有待也隱

侯又撰四聲譜以為在昔詞人累千載

而不悟而獨得胷衿窮其妙旨自謂入

神之作雖高祖雅不好焉然大唐聲律

實肇於此嗣後沈雲卿宋延清輩研練  
精切穩順聲勢律體乃備而詩人之變  
極矣襲用至今千古不易隱侯實始作  
之創導之功曷可少耶論者又以為新  
聲既盛古調寢衰大雅君子宜無所取  
然運有淳漓時有升降若忠之變質質  
之變文勢所必至人莫能與焉彈歌斷  
竹質之至也自孔子刪詩後百千年凡

幾變矣月異歲殊愈趨愈下

明興一掃元習頗尚唐風弘正諸賢志  
殷復古嘉隆間作者尤衆相標為百代  
詩豪才藝非乏也而艱深險僻抉怪鉤  
竒務為名高終無實際疾在膏肓莫可  
救藥既已拂溫柔敦厚之教而於隱侯  
之旨槩未究覽焉隱侯曰文章當從三  
易易見事一也易識字二也易讀誦三

也邢子才祖孝徵而賢又皆服沈侯善  
於用事推本而言即孔子辭達之訓孟  
氏言近之說自然成文痕迹融化非工  
於藝者所及知予少好詩學嘗夢仙老  
語之曰用鉛不用鉛湏向鉛中作及至  
用鉛時用鉛還是錯殊得隱侯詩旨蓋  
用而不用斯妙用乎藝苑靈丹在是矣  
詎不可拯療痼疾哉隱侯出處行業具

梁書本傳故不論特論其所撰著媲美  
謝客者若此所謂寄知音於後世者不  
在今日耶沈氏自吳興以來隱侯在前  
雲卿在後亦既盛矣乃今道初先生又  
以文望重海內而其弟道明其子茂仁  
比肩接踵更相與探幽獵秘補亡正譌  
表章往哲覺悟來彥世業未艾而大雅  
可作勲被士林良非淺鮮象也繆辱知

好實艷羨之受簡攬筆拙劣惟慙竊幸  
廁名并托不朽

萬曆乙酉仲夏雲間張之象玄超撰



吳門袁敏學刻

梁書本傳

沈約字休文吳興武康人也祖林子宋征虜將  
軍父璞淮南太守璞元嘉末被誅約幼潛竄會  
赦免既而流寓孤貧篤志好學晝夜不勌母恐  
其以勞生疾常遣減油滅火而晝之所讀夜輒  
誦之遂博通羣籍能屬文起家奉朝請濟陽蔡  
興宗聞其才而善之興宗為郢州刺史引為安  
西外兵參軍兼記室興宗嘗謂其諸子曰沈記  
室人倫師表宜善事之及為荊州又為征西記



沈隱侯集 卷之四  
室參軍帶關西令興宗卒始爲安西晉安王法  
曹參軍轉外兵竝兼記室入爲尚書度支郎齊  
初爲征虜記室帶襄陽令所奉之王齊文惠太  
子也太子入居東宮爲步兵校尉管書記直永  
壽省校四部圖書時東宮多士約特被親遇每  
直入見景斜方出當時王侯到宮或不得進約  
每以爲言太子曰吾生平懶起是卿所悉得卿  
談論然後忘寢卿欲我夙興可恒早入遷太子  
家令後以本官兼著作郎遷中書郎本邑中正

司徒右長史黃門侍郎時竟陵王亦招士約與  
蘭陵蕭琛琅邪王融陳郡謝朓南鄉范雲樂安  
任昉等皆遊焉當世號爲得人俄兼尚書左丞  
尋爲御史中丞轉車騎長史隆昌元年除吏部  
郎出爲寧朔將軍東陽太守明帝卽位進號輔  
國將軍徵爲五兵尚書遷國子祭酒明帝崩政  
歸冢宰尚書令徐孝嗣使約撰定遺詔遷左衛  
將軍尋加通直散騎常侍永元二年以母老表  
求解職改授冠軍將軍司徒左長史征虜將軍

南清河太守高祖在西邸與約遊舊建康城平  
引爲驃騎司馬將軍如故時高祖勳業旣就天  
人允屬約嘗扣其端高祖默而不應佗日又進  
曰今與古異不可以淳風期萬物士大夫攀龍  
附鳳者皆望有尺寸之功以保其福祿今兒童  
牧豎悉知齊祚已終莫不云明公其人也天文  
人事表革運之徵永元以來尤爲彰著讖云行  
中水作天子此又歷然在記天心不可違人情  
不可失苟是歷數所至雖欲謙光亦不可得已

高祖曰吾方思之對曰公初杖兵樊沔此時應  
思今王業已就何所復思管武王伐紂始入民  
便曰吾君武王不違民意亦無所思公自至京  
邑已移氣序比於周武遲速不同若不早定大  
業稽天人之望脫有一人立異便損威德且人  
非金玉時事難保豈可以建安之封遷之子孫  
若天子還都公卿在位則君臣分定無復異心  
君明於上臣忠於下豈復有人方更同公作賊  
高祖然之約出高祖召范雲告之雲對略同約

沈隱侯集 本傳  
旨高祖曰智者乃爾暗同卿明早將休文更來  
雲出語約約曰卿必待我雲許諾而約先期入  
高祖命草其事約乃出懷中詔書并諸選置高  
祖初無所改俄而雲自外來至殿門不得入徘徊  
壽光閣外但云咄咄約出問曰何以見處約  
舉手向左雲笑曰不乖所望有頃高祖召范雲  
謂曰生平與沈休文羣居不覺有異人處今日  
才智縱橫可謂明識雲曰公今知約不異約今  
知公高祖曰我起兵於今三年矣功臣諸將實

有其勞然成帝業者乃卿二人也梁臺建爲散  
騎常侍吏部尚書兼右僕射高祖受禪爲尚書  
僕射封建昌縣侯邑千戶常侍如故又拜約母  
謝爲建昌國太夫人奉策之日左僕射范雲等  
二十餘人咸來致拜朝野以爲榮俄遷尚書左  
僕射常侍如故尋兼領軍加侍中天監二年遭  
母憂輿駕親出臨弔以約年衰不宐致毀遷中  
書舍人斷客節哭起爲鎮軍將軍丹陽尹置佐  
史服闋遷侍中右光祿大夫領太子詹事揚州

沈隱庵集 卷八 本傳  
大中正關尚書八條事遷尚書令侍中詹事中  
正如故累表陳讓改授尚書左僕射領中書令  
前將軍置佐史侍中如故尋遷尚書令領太子  
少傅九年轉左光祿大夫侍中少傅如故給鼓  
吹一部初約久處端揆有志台司論者咸謂爲  
宜而帝終不用乃求外出又不見許與徐勉素  
善遂以書陳情於勉勉爲言於高祖請三司之  
儀弗許但加鼓吹而已約性不飲酒少嗜欲雖  
時遇隆重而居處儉素立宅東田矚望郊阜嘗

爲郊居賦以序其事尋加特進光祿侍中少傅  
如故十二年卒官時年七十三詔贈本官賻錢  
五萬布百匹謚曰隱約左目重瞳子腰有紫志  
聰明過人好墳籍聚書至二萬卷京師莫比少  
時孤貧丐于宗黨得米數百斛爲宗人所侮覆  
米而去及賈不以爲憾用爲郡部傳嘗侍讌有  
妓師是齊文惠宮人帝問識座中客不曰惟識  
沈家令約伏座流涕帝亦悲焉爲之罷酒約歷  
仕三代該悉舊章博物洽聞當世取則謝玄暉

善爲詩任彥昇工於文章約兼而有之然不能過也自負高才昧於榮利乘時藉勢頗累清談及居端揆稍弢止足每進一官輒殷勤請退而終不能去論者方之山濤用事十餘年未嘗有所薦達政之得失唯唯而已初高祖有憾於張稷及稷卒因與約言之約曰尚書左僕射出作邊州刺史已往之事何足復論帝以爲婚家相爲大怒曰卿言如此是忠臣邪乃輦歸內殿約愬不覺高祖起猶坐如初及還未至牀而憑空

頓於戶下因病夢齊和帝以劒斷其舌召巫視之巫言如夢乃呼道士奏赤章於天稱禪代之事不由已出高祖遣上省醫徐奘視約疾還具以狀聞先此約嘗侍讌值豫州獻栗徑寸半高祖奇之問栗事多少與約各疏所憶少帝三事出謂人曰此公護前不讓卽羞死帝以其言不遜欲抵其罪徐勉固諫乃止及聞赤章事大怒中使譴責者數焉約懼遂卒有司諡曰文帝曰懷情不盡曰隱故改爲隱云約少時常以晉氏

一代竟無全書年二十許便有撰述之意宋泰始初征西將軍蔡興宗爲啓明帝有敕許焉自此踰二十年所撰之書方就凡一百餘卷條流雖舉而採綴未周永明初遇盜失第五帙又撰宋書百卷齊紀二十卷高祖紀十四卷邇言十卷謚例十卷宋文章志三十卷文集一百卷皆行於世又撰四聲譜以爲在管詞人累千載而不寤而獨得曾衿窮其妙旨自謂入神之作高祖雅不好焉帝問周捨曰何謂四聲捨曰天子聖哲是也然帝竟不遵用

陳吏部尚書姚察曰昔木惠將謝昏孛滌虐慄慄黔勅命懸畧漏高祖義拯橫濱志寧區夏謀暮帷幄寔寄良平至於范雲沈約參預締構贊成帝業加雲以機警明贍濟務益時約高才博洽名亞遷董俱屬興運蓋一代之英偉焉

詩品

休文衆製五言最優詳其文體察其餘論固知  
 憲章鮑明遠也所以不閑於經論而長於清怨  
 永明相王儉文王元長等皆宗附之于時謝朓  
 未適江淹才盡范雲名級故微故約稱獨步雖  
 文不至其工麗亦一時之選也見重閭里誦詠  
 成音嶸謂約所著既多今翦除涇雜收其精要  
 允為中品之第矣故當詞密於范意淺於江也

詩品。南史云鍾嶸嘗求譽於約約拒之及約  
 卒嶸品古今詩為評言其優劣云云蓋追宿憾

沈隱侯集  
以此報  
之也

史稱謝玄暉善為詩任彥昇工於文章約兼而有之然不能過也

沈隱侯曰文章當從三易易見事一也易識字二也易誦三也邢子才常曰沈侯文章用事不使人覺若曾臆語也深以此服之祖孝徵亦嘗謂吾曰沈詩云崖傾護石髓此豈似用事耶邢子才魏收俱有重名時俗準的以為師匠邢賞服沈約而輕任昉魏慶慕任昉而毀沈約每於

談讌辭色以之鄴下紛紛各有芻黨祖孝徵嘗

謂吾曰任沈之是非乃邢魏之優劣也顏氏家訓

佳處斲削清瘦可愛自拘聲病氣骨蘊然唐諸

家聲律皆出此詩譜

沈約范雲之作如閭闔疎鐘建章清漏不棘不

舒有節有度竹林詩評

劉會孟曰沈休文懷舊九首杜子美八哀之祖也

約製郊居賦構思積時猶未都畢乃要筠示其



草筠讀至雌霓五反激連蹇約撫掌欣抃曰僕嘗  
 恐人呼為霓五反次至墜石礎星及冰懸培而  
 帶坻筠皆擊節稱贊約曰知音者希真慕以殆終  
 所以相要政在此數句耳

梁書

沈隱侯集目錄

梁書本傳

卷之一

賦

郊居賦

愍塗賦

憫國賦

桐賦

麗人賦

擬風賦

傷美人賦

高松賦

反舌賦

天淵水鳥賦



雅樂歌

皇雅三章

滌雅

牲雅

誠雅三章

獻雅

禋雅二章

南郊登歌二章

北郊登歌二章

明堂登歌五章

宗廟登歌七章

俊雅三章

胤雅

寅雅

介雅三章

需雅八章

雍雅三章

舞曲歌

大壯大觀舞歌

鞞舞歌

鼓吹曲

木紀謝

賢首山

桐柏山

道亡

抗威

漢東瀝

鶴樓峻

昏主恣淫慝

石首扃

期運集

於穆

惟大梁

卷之二

樂府

日出東南隅行

昭君辭

長歌行二首

君子行

從軍行

豫章行

相逢狹路間

長安有狹斜行

三婦豔

江籬生幽渚

却東西門行

飲馬長城窟

青青河畔草

梁甫吟

君子有所思行

白馬篇

齊謳行

前緩聲歌

芳樹

臨高臺

洛陽道

江南曲

東武吟行

怨歌行

悲哉行

雜曲三首

攜手曲

有所思

夜夜曲二首

釣竿

臨碣石

湘夫人

貞女引

襄陽蹋銅躡歌三首

永明樂

江南弄四首

趙瑟曲

秦箏曲

陽春曲

朝雲曲

樂未央

四時白紵歌五首

五音曲

詩

侍皇太子釋奠宴

為南郡王侍皇太子釋奠宴二首

三日侍鳳光殿曲水宴應制

為臨川王九日侍太子宴

九日侍宴樂遊苑

從齊武帝瑯琊城講武應詔

三日侍林光殿曲水宴應制

侍宴樂遊苑餞呂僧珍應詔

沈隱居集  
目錄  
正陽堂宴勞凱旋

遊鍾山詩應西陽王教

登高望春

遊金華山

劉真人東山還

登玄暢樓

酬謝宣城眺

新安江至清淺深見底貽京邑遊好

送別友人

去東陽與吏民別

早發定山

循役朱方道路

和竟陵王遊仙詩二首

遊沈道士館

酬華陽陶先生

還園宅奉酬華陽先生

華陽先生登樓不復下贈呈

奉華陽王外兵

赤松澗

八關齋

古意

少年新婚為之詠

夢見美人

直學省愁臥

休沐寄懷

宿東園

行園

和左丞庾杲之移病

沈隱侯集  
和竟陵王抄書

奉和竟陵王郡縣名

奉和竟陵王藥名  
和陸慧曉百姓名

三月三日率爾成篇

織女贈牽牛

應王中丞思遠咏月

和王中書德充咏白雲

咏雪應令

和劉雍州繪博山香鑪

咏湖中鴈

冬節後至丞相第詣世子車中作

奉和竟陵王經劉瓛墓

悼亾  
侍遊方山應詔

樂將殫恩未已應詔

泛永康江  
餞謝文學離夜

別范安成  
効古

庭雨應詔  
初春

春思  
傷春

秋夜

咏箎

咏竹櫛榔盤

簷前竹

翫庭柳

麥李

咏桃

咏青苔

十咏二首

懷舊詩九首

詠新荷應詔

咏笙

聽蟬鳴應詔

咏山榴

咏箏

咏山榴

大言應令

細言應令

咏餘雪

咏帳

侍宴咏反舌

寒松

咏孤桐

咏梧桐

園橘

咏梨應詔

西地梨

咏芙蓉

咏杜若

咏鹿葱

甘蕉

咏菰

早行逢故人車中為贈

為鄰人有懷不至 四城門

和劉中書仙詩二首

華山館為國家營功德

和王衛軍解講

侍宴謝朓宅餞東歸應制

酬孔通直過懷蓬居

石塘瀨聽猿 出重圍和傅昭

秋晨羈怨望海思歸

侍宴樂游苑餞徐州刺史應詔

上巳華光殿 六憶詩四首

八咏詩八首 阻雪連句遙贈和

戲作謝惠連體 遊甌山

卷之三

詔

沈文季加侍中詔 崔慧景加侍中詔

王亮王瑩加授詔

臨川王子晉南康侯子恪遷授詔

王茂加侍中詔



授蕭重休左僕射詔

授王亮左僕射詔 封申希祖詔

封三舍人詔 郊禋赦詔

南郊恩詔二首 改天監元年赦詔

平亂赦詔 大赦詔

立太子詔 立太子赦詔

封授臨川等五王詔

勸農訪民所疾苦詔

搜訪隱逸詔 資給何點詔

酬荆雍義士獻物者詔

使四方士民陳刑政詔

立左降詔 降死罪詔

立內職詔

制

封徐世標制 授李居士等制

封左興盛等制 授蔡法度廷尉制

授王纘蔡約王師制

敕

武帝踐祚後與諸州郡敕

為武帝與謝朓敕與何胤敕

表章

謝賜新曆表

為皇太子謝初表

致仕表

為始興王讓儀同表

拜尚書令到都上表

讓僕射表

為褚炫讓吏部尚書表

讓五兵尚書表

謝封建昌侯表

為柳世隆讓封公表

為南郡王讓中軍表

謝母封建昌國太夫人表

為長城公主謝表

薦劉粲表

注制旨連珠表

為柳兗州世隆上舊宮表

上建闕表

為柳世隆上銅表

謝立皇太子賜絹表

到著作省表

舉胡元秀表

上撰進宋書表

為晉安王謝南充州章

為安陸王謝荊州章

為六宮拜章

奏彈文

答武帝脩定樂書奏

奏彈王源

彈祕書郎蕭遙昌文

彈御史孔橐題省壁悖慢事

彈孔稚珪違制啓假事

彈奉朝請王希暉違假

啓

賀齊明帝登祚啓

謝齊竟陵王敎撰高士傳啓

為東宮謝敕賜孟嘗君劔啓

為皇太子謝賜御所射雉啓

謝司徒賜北蘇啓

沈隱居集  
上錢隨喜光宅寺啓

送育王像并上錢燭等啓

臨終勸加篤信啓  
謝賜軫調絹等啓

謝晏出門宮賜絹綺獨啓

為柳世隆謝賜樂遊胡桃啓

謝賜甘露啓

謝齊竟陵王賚母赫國雲氣黃綾裙襦

啓

謝陶隱居术煎啓  
謝敕賜冰啓

謝齊竟陵王宋永明樂歌啓

謝賜絹葛啓

上陶隱居啓二首

謝齊竟陵王示華嚴瓔珞啓

疏

南齊皇太子解講疏

齊竟陵王發講疏  
并頌

竟陵王解講疏二首

南齊皇太子禮佛願疏

沈隱侯集  
捨身願疏

南齊南郡王捨身疏

義

佛知不異衆生知義

六道相續作佛義

因緣義

記

南齊僕射王奐枳園寺刹下石記

諡議

德皇后諡議

齊武帝諡議

齊明帝諡議

卷之四

書

報王筠書

荅僧法雲書

與徐勉書

荅沈麟士書

與范述曾論竟陵王賦書

荅樂藹書

荅陸韓卿論宮商書

報劉杳書  
命宮商書  
荅約法師書

序

武帝集序  
綦品序

內典序  
佛記序

論

辯聖論  
七賢論

均聖論  
附華陽先生難

神不滅論  
難范縝神滅論

究竟慈悲論  
述僧中食論

述僧設會論  
論形神

碑

齊司徒安陸昭王碑

齊丞相豫章文憲王碑

齊太尉王儉碑  
法王寺碑

比丘尼僧敬法師碑

善館碑  
桐柏山金庭館碑

墓銘

齊太尉文憲王公墓志銘

沈隱侯集  
齊太尉徐公墓志銘

太常卿任昉墓志銘

尚書右僕射范雲墓志銘

長沙宣武王墓志銘

為司徒謝朓墓志銘

行狀

齊臨川王行狀

齊司空柳世隆行狀

南齊禪林寺尼淨秀行狀

銘

光宅寺刹下銘

瑞石像銘

彌陀佛銘

栖禪精舍銘

釋迦文佛像銘

頌

千佛頌

齊朝丹徒故宮頌

贊

雪贊

彌勒贊

繡像題贊

高士贊

銷聲贊

千佛贊

文

齊明帝哀策文

千僧會願文

賽蔣山廟文

脩竹彈甘蕉文

冠子祝文

連珠

連珠二首

沈隱侯集目錄 畢

沈隱侯集卷之一

梁吳興沈約撰

明樵李沈啓原輯

沈啓南校

賦

郊居賦

惟至人之非已固物我而兼忘自中智以下泊  
咸得性以為場獸因窟而獲騁鳥先巢而後翔  
陳巷窮而業泰嬰居湫而德昌僑棲仁於東里



鳳晦跡於西堂伊吾人之褊志無經世之大方  
思依林而羽戢願託水而鱗藏固無情於輪奐  
非有欲於康莊披東郊之寥廓入蓬藿之荒茫  
旣從豎而橫構亦風除而雨攘咎西漢之標季  
除播遷之云始違利見於海昏創惟桑於江汜  
同河濟之重壘踰班生之十紀或辭祿而反畊  
或彈冠而來仕逮有晉之隆安集讎虞於天步  
世交爭而波瀾民失時而狼顧延亂麻於井邑  
曝如莽於衢路大地曠而靡容旻天遠而誰訴

伊皇祖之弱辰逢時艱之孔棘違危邦而窘驚  
訪安土而移卽肇胥宇於朱方掩閒庭而晏息  
值龍顏之鬱起乃憑風而矯翼指皇邑而南轅  
駕脩衢以騁力遷華扉而來啟張高衡而徙植  
傍逸陌之脩平面淮流之清直芳塵漫而悠遠  
世道忽其宐隆繇四代於茲日盈百祀於微躬  
嚙樊廬之難保若賈籜之從風或誅茅而翦棘  
或旣西而復東乍容身於白社亦寄孥於百通  
迹平生之耿介實有心於馭往思幽人而軫念

望東臯而長想本忘情於狗物徒羈紲於天壤  
應屢歎於牽絲陸興言於世經事滔滔而未合  
志悄悄而無爽路將殫而彌峭情薄暮而踰廣  
抱寸心其如蘭何斯願之浩蕩詠歸歟而躑躅  
眷巖阿而抵掌逢時君之喪德何凶昏之孔熾  
乃戰牧所未陳實升陟所不記彼勅元之喋喋  
將垂獸而爲餌瞻穹昊而無歸雖非牽而被截  
始歎絲而未覩終道組而後值尋貽愛乎上天  
固非民其莫甚授冥符於井翼實靈命之所稟

當降監之初辰值積惡之云稔寧方割於下墊  
廊重氛於上塲躬靡暇於朝食常求衣於夜枕  
既牢籠於媯更又驅馳乎軒頊德無遠而不被  
明無微而不燭鼓玄澤於大荒播仁風於遐俗  
闢終古而遐念信王猷其如玉值銜圖之盛世  
遇興聖之嘉期謝中涓於初日叨光佐於此時  
闕投石之猛志無飛天之麗辭排陽烏而命邑  
方河山而啓基翼儲光於三善長王職於百司  
兢鄙夫之易失恩寵祿之難持伊前世之責任

罕紆情於丘窟，辟叢華於楚趙。每驕奢以相越，築甲館於銅駝。竝高門於北闕，闢重扃於華閨。豈蓬蒿所能沒，教傳嗣於堯壤。何安身於窮地，味先哲而爲言。固余心之所嗜，不慕權於城市。豈邀名於屠肆，詠希微以考室。幸風霜之可庇，爾乃傍窮野，抵荒郊。編霜莢，葺寒茅。構棲噪之所集，築町疇之所交。因犯檐而刊樹，由妨基而翦巢。決滄沔之汀，澹塞井甃之淪。坳藝芳枳於北渠，樹脩楊於南浦。遷甕牖於蘭室，同肩牆於

華堵。織宿楚以成門，籍外扉而爲戶。旣取陰於庭樾，又因籬於芳杜。開閣室以遠臨，闢高軒而旁覩。漸沼沚於雷垂，周塋陌於堂下。其水草則蘋萍芡芰，菁藻蒹菰。石衣海髮，黃荇綠蒲。動紅荷於輕浪，覆碧葉於澄湖。食嘉實而却老，振羽服於清都。其陸卉則紫鼈綠菴，天著山韭鴈齒。麋舌牛脣，彘首布濩。南池之陽，爛熳北樓之後。或幙渚而芘地，或縈牕而窺牖。若乃園宅殊製，田圃異區。李衡則橘林千樹，石崇則雜果萬株。

竝豪情之所侈非儉志之所娛欲令紛披翦鬱  
吐綠攢朱羅（一缺）映戶接雷承隅開丹房以四照  
舒翠葉而九衢抽紅英於紫蒂銜素蕊於青跗  
其林鳥則翻泊頡頏遺音下上楚雀多名派嚶  
雜響或斑尾而綺翼或綠衿而絳頰好葉隱而  
枝藏乍間關而來往其水禽則大鴻小鴈天狗  
澤虞秋鷺寒鶉脩鷁短鳧曳參差之弱藻戲澆  
澗之輕軀翅攄流而起沫翼鼓浪而成珠其魚  
則赤鯉青魴纖儵鉅鱧碧鱗朱尾脩顛偃頰小

則戲渚成文大則噴流揚白不興羨於江海聊  
相忘於余宅其竹則東南獨秀九府擅奇不遷  
植於淇水豈分根於樂池秋蛸唵葉寒雀噪枝  
來風南軒之下負雪北堂之垂訪住塗之軫跡  
觀先識之情偽每誅空而（一缺）有皆指難以爲易  
不自己而求足竝尤物以興累亦昔士之所迷  
而今余之所避也原農皇之攸始討厥播之云  
初肇變腥以粒食乃人命之所儲尋井田之往  
記考阡陌於前書顏簞食而樂在鄭高廩而空

虛頃四百而不足畝五十而有餘撫幽衷而跼  
念幸取給於庭廬緯東菑之故耜浸北畝之新  
渠無褰爨於曉蓐不抱俟於朝蔬排外物以齊  
邈獨爲累之在余安事千斯之積不羨汶陽之  
墟臨哭維而騁目卽堆冢而流眄雖茲山之培  
塿乃文靖之所宴驅四牡之低昂響繁笳之清  
轉羅方圓而綺錯窮海陸而兼薦奚一權之足  
偉委千金其如線試撫臆而爲言豈斯風之可  
扇將通人之遠旨非庸情之所見聊遷情而徙

睇識方阜於歸津帶脩汀於桂渚肇舉鋪於疆  
秦路縈吳而款越塗被海而通閩懷三鳥以長  
念伊故鄉之可珍實褰期於晚歲非失步於方  
春何東川之瀾瀾獨流涕於吾人謬參賢於昔  
代亟徒遊於茲所侍綵旄而齊轡陪龍舟而遵  
渚或削席而賦詛或班觴而宴語總帷一朝冥  
漠西陵忽其蔥楚望商飈而永歎每樂愷於斯  
觀始剽鐘石鏘鉉終以魚龍瀾漫或升降有序  
或浮白無竿貴則景魏蕭曹親則梁武周旦莫

不共霜霧而歇滅與風雲而消散眈孫后之墓  
田尋雄霸之遺武實接漢之後王信開吳之英  
主指衡岳而作鎮苞江漢而爲宇徒徵言於石  
槲遂延災於金縷忽蕪穢而不脩同原陵之膺  
膺寧知螻蟻之與狐兔無論芻之與牧豎睇東  
巘以流目心悽愴而不怡蓋咎儲之舊苑實博  
望之餘基脩林則表以桂樹列艸則冠以芳芝  
風臺累翼月榭重栴千櫨捷喋百拱相持早轅  
林駕蘭柁水嬉踰三齡而事往忽二紀以歷茲

咸夷湯以蕩滌非古今之異時爲余眸於良域  
覲高館於茲頽雖混成以無跡寔遺訓之可秉  
始餐霞而吐霧終陵虛而倒景駕雌蜺之連卷  
泛天江之悠永指咸池而一息望瑤臺而高騁  
匪爽言以自誇冀神方之可請惟鍾巖之隱鬱  
表皇都而作峻蓋望秩之所宗含風雲而吐潤  
其爲狀也則巒峨崇峯喬枝拂日堯嶷岩崑墜  
石堆星岑峯聳屺或坳或平盤堅枕臥詭狀殊  
形孤嶝橫插洞穴袤經千丈萬仞三襲九成亘

繞州邑欵跨郊坳素烟晚帶白霧晨縈近循則  
一巖異色遠望則百嶺俱青觀二代之塋兆覩  
摧殘之餘遂成顛沛於虐豎康斂衿於虛器穆  
恭已於巖廊簡遊情於玄肆災窮飲以致災安  
忘懷而受崇何宗祖之奇傑威橫天而陵地惟  
聖文之纘武殆隆平之可至余垂惠之所君仰  
遺封而掩淚福寢匪一靈館相距席布駢駒堂  
流桂醕降紫皇於天闕延二妃於湘渚浮蘭煙  
於桂棟召巫陽於南楚揚玉桴握椒糝悅臨風

以浩唱折瓊茅而延佇敬惟空路邈遠神蹤遐  
闊念甚驚飈生猶聚沫歸妙軫於一乘啓玄扉  
於三達欲息心以遷累必違人而後豁或結椽  
於巖根或開櫺於木末室闔蘿蔦檐梢松栝旣  
得理於兼謝固忘懷於飢渴或攀枝獨遠或陵  
雲高蹈因葺茨以結名猶觀空以表號得忘已  
於茲日豈期心於來報天假余以大德荷茲賜  
之無疆受老夫之嘉稱班燕禮於上庠無希驥  
之秀質乏如珪之令望邀昔恩於舊主重匪服

於今皇仰休老之盛則請微軀於夕陽勞蒙司  
而獲謝猶奉職於春坊時言歸於陋宇聊暇日  
以翱翔棲余志於淨國歸余心於道場默依墀  
而莫駭魚物沼而不網旋迷塗於去轍篤後念  
於徂光晚樹開花初英落蘂或異林而分丹青  
乍因風而雜紅紫紫蓮夜發紅荷曉舒輕風微  
動其芳叢余風騷屑於園對月籠連於池竹萼  
長柯於簷桂發黃華於庭鞠冰懸堦而帶坻雪  
縈松而被埜鼻屯飛而不散雁高翔而欲下竝  
皆物之可懷雖外來而非假寔情性之所留滯  
亦志之而不能捨也傷余情之頽暮罹憂患冀  
相溢悲異軫而同歸懼殊方而竝失時復託情  
魚鳥歸閒蓬華旁闕吳娃前無趙瑟以斯終老  
於焉請日惟以天地之恩不報書事之官靡述  
徒重於高門之地不載於良史之筆長大息其  
何言羌愧心之非一

擬風賦

若夫搖玉壽響金扉拂九層之羽蓋轉八鳳之



珠旂時卷瑤臺翠帳乍動佚女輕衣此蓋羽客  
之仙風也

愍塗賦

結初寤渚思臨長嶼情依舊越身經故楚彼長  
路之多端伊客心之無緒懽因循而易失悲由  
心而難拒此江海之信遠知余思之方阻日掩  
長浦風掃聯葭疊雲凝憤廣水騰華聽奔涕於  
洲嶼望掩曖乎烟沙依雲邊以知國極鳥道以  
瞻家免悽愴於羈離亦殷勤於行路歎余塗之

屢蹇奚前芳之可慕

傷美人賦

信美顏其如玉咀清哇而度曲思佳人而未來  
望餘光而躑躅拂螭雲之高帳陳九枝之華燭  
虛翡翠之珠被空合歡之芳褥言懽愛之可永  
庶羅袂之空裁曾未申其巧笑忽淪軀於夜臺  
伊芳萼之仲節夜猶長而未遽悵徒倚而不眠  
往徘徊於故處

憫國賦

沈隱侯集 卷一  
余生平之無立徒跣施以自閒處圍城之惴惴  
得無用於行間對僚爰而不怡咸悄顏而相顧  
畏高衝之北擬壯激矢之南度駭潛師之夜過  
驚躍馬之晨呼矛森森而密豎旗落落而疎布  
時難紛其未已歲功迫其將徂育素蟣於玄冑  
垂葆髮於縵胡

高松賦

鬱彼高松栖根得地託北園於上邱依平臺而  
養翠若夫蟠株聳榦之懿含星漏月之奇經千

霜而得拱仰百仞而方枝朝吐輕烟薄霧夜宿  
迷鳥羈雌露雖滋而不潤風未動而先知旣梢  
雲於清漢亦倒景於華池輕陰蒙密喬柯布護  
葉斷禽蹤枝通猿路聽騷騷於旣曉望隱隱於  
將暮曖平湖而漾青綠拂繪綺而籠丹素於時  
風急壠首寒浮塞天流蓬不息明月孤懸檀欒  
之竹可詠鄴枚之客存焉清都之念方遠姑射  
之想悠然擢柔情於蕙圃涌寶思於珠泉豈徒  
爲善之小樂離繳之短篇若此而已乎

桐賦

龍門之桐遠望青蔥專巖擅嶺或孤或叢枝封  
暮雪葉映晝虹抗蘭橈以栖龍拂雕窗而團露  
喧密葉於鳳晨宿高枝於鸞暮合影陽崖標峯  
東陸俯結玄陰仰成翠屋乍髣髴於行雨時徘徊  
於丹轂遶齊綵於碧林豈慙光於若木

反舌賦

咨玄造之大德播含靈於無小有反舌之微禽  
亦班名於庶鳥乏嘉容之（缺）翫因繁聲以自表

其聲也驚詭噂噴縈紆離亂駢浮迴合岫危瑣  
散或發曲無漸或收音去半既含意於將曉亦  
流妍於始旦雜沓逶迤噉跳參差攢嬌動葉促  
轉縈枝分宮析徵萬矩千規因風起哢曳響生  
奇對芳辰於此月屬今余之遵暮勸城守之誼  
疲愛田郊之閒素眷春物而懷之聞好音於庭  
樹

麗人賦

有客弱冠未仕締交戚里馳騫王室遨遊許史

歸而稱曰狹衣才女銅街麗人亭亭似月嫵婉  
如春凝情待價思尚衣巾芳躅散麝色茂開蓮  
陸離羽瑁離錯花鈿嚮羅幃而不進隱明燈而  
未前中步檐而一息順長廊而迴歸池翻荷而  
納影風動竹而吹衣薄暮延佇宵分乃至出閨  
入光含羞隱媚垂羅曳錦鳴瑤動翠來脫薄妝  
去留餘膩霑妝委露理鬢清渠落花入領微風  
動裾

天淵水鳥賦

天淵池上鳥雲集水漣漪單泛姿容與羣飛特  
合離將騫復斂翮迴回首望驚雌飄泊出孤嶼未  
曾宿蘭渚飛飛忽云勸相鳴集池籟可憐九層  
樓爰影水上浮本來整止息遇此遂淹畱若夫  
侶浴清溪朋翻迴曠翠鬣紫纓之飾丹冕綠襟  
之狀過波兮湛澹隨風兮迴漾竦臆兮開萍感  
水兮興浪

雅樂歌

藝文類聚作  
元會歌辭

皇雅三章

皇帝出入  
奏皇雅

帝德實廣運車書靡不賓執瑁朝羣后垂旒御  
百神八荒重譯至萬國遠來親  
華蓋拂紫微句陳繞太一容裔被緹組參差羅  
罕畢星回照以爛天行徐且謚  
清蹕朝萬寓端冕臨正陽青絢黃金纒袞衣文  
繡裳既散華蟲彩復流日月光

滌雅

牲出入  
奏滌雅

將修盛禮其儀孔熾有膋斯牲國門是置不勑  
不瘳靡愆靡忌呈肌獻體永言昭事俯休皇德

仰綏靈志百福具膺嘉祥允洎駿奔伊在慶覃  
遐嗣

牲雅

薦毛血  
奏牲雅

反本興敬復古昭誠體容宿設祀事孔明華俎  
待獻崇碑麗牲充哉繭握肅矣簪纓其骨既啓  
我豆既盈庖丁游刃葛盧驗聲多祉攸集景福  
來并

誠雅三章

第一章南郊降神用  
第三章郊明堂太廟

用同

懷忽慌瞻浩蕩盡誠潔致虔想出杳冥隆無象  
皇情肅具僚仰人禮盛神途啟俊明靈申敬享  
感蒼極動玄象

地德溥崑丘峻揚羽翟鼓應輦出尊祗展誠信  
招海若羅嶽鎮惟福祉咸昭晉

我有明德馨非稷黍牲玉孔備嘉薦惟旅金懸  
宿設和樂具舉禮達幽明敬行尊俎鐘鼓云送  
遐福是與

獻雅

皇帝飲福  
酒奏獻雅

神宮肅肅天儀穆穆禮獻既同膺茲釐福我有  
馨明無愧史祝

禋雅二章

第一章就燎用  
第二章就埋用

紫宮昭煥太一微玄降臨下土尊高上天載陳  
珪幣式備牲牲雲籛清引枸虞高懸俯昭物象  
仰致高煙肅彼靈祉咸達皇虔

盛樂斯舉協徵調宮靈響慶洽祉積化融八變  
有序三獻已終坎牲瘞玉酬德報功振垂成呂  
投壤生風道無虛致事由感通於皇盛烈比祚

華嵩

南郊登歌二章

燉既明禮告成惟聖祖主上靈爵已獻壘又盈  
息羽籥展歌聲倭如在結皇情

禮容盛尊俎列玄酒陳陶匏設獻清酒致虔潔  
玉既升樂已闋降蒼昊垂芳烈

北郊登歌二章

方壇既埴地祇已出盛典弗訾羣望咸秩乃升  
乃獻敬成禮卒靈承無兆神響載謐允矣嘉祚

其升如日

至哉坤元實惟厚載躬茲奠饗誠文顯晦或升  
或降搖珠動佩德表成物慶流皇代純嘏不訾  
祺福是賚

明堂登歌五章

歌青帝

帝居在震龍惠司春開元布澤含和尚仁羣居  
既散歲云陽止飭農分地民粒惟始雕梁繡拱  
丹楹玉墀靈威以降百福來綏

歌赤帝

炎光在離火爲盛威一作德執禮昭訓持衡受剽  
靡艸旣凋溫風以至嘉薦惟旅時羞孔備齊緹  
在堂笙鏞在下匪惟七百無絕終始

歌黃帝

鬱彼中壇含靈闡化迴環氣象輪無輟駕布德  
焉在四庠將收音宮數五飯稷駮駮宅屏居中  
旁臨外宇升爲帝尊降爲神主

歌白帝

神在穉方帝居西皓允茲金德裁成萬寶鴻來  
雀化參見火袞幙無玄鳥菊有黃華載削笙磬  
式陳彝俎靈罔常懷惟德是與

歌黑帝

德盛乎水玄冥紀節陰降陽騰氣凝象閔司智  
莅坎駕馭衣玄祁寒坼地晷度迴天悠悠四海  
駿奔奉職祚我無疆永隆民極

宗廟登歌七章

功高禮洽德尊樂備三獻具舉百司在位誠敬



沈隱侯集 卷一  
罔讐幽明同致  
茫茫億兆無思不遂  
蓋之如天  
容之如地

殷兆玉筐周始邠王於赫文祖基我大梁肇土七十奄有四方帝軒百祀人思未忘永言聖烈祚我無疆

有夏多臯殷人塗炭四海倒懸十室思亂自天命我殲凶殄難既躍乃飛言登天漢爰享爰格

一作福祿攸贊

犧象既飾纍俎斯具我鬱載馨黃流乃注峨峨

卿士駿奔是務珮上鳴堦纓還拂樹悠悠億兆

天臨日煦

猗歟至德光被黔首鑄鎔蒼昊甄陶區有恪恭三獻對揚萬壽比屋可封含生無咎匪徒七百天長地久

有命自天於皇后帝悠悠四海莫不來祭繁祉具膺八神聳衛福至有兆慶來無際播此餘休于彼荒稷

祀典昭潔我禮莫違八簋充室六龍解駢神宮

沈隱侯集 卷一  
肅肅靈寢微微嘉薦既享景福攸歸至德允被  
洪祚載輝

三朝雅樂歌

俊雅三章

百官出入  
奏俊雅

設官分職髦俊攸俟髦俊伊何貴德尚齒唐又  
咸事周寧多士區區衛國猶賴君子漢之得人  
帝猷乃理

開我八襲闢我九重珩珮流響纓紱有容袞衣  
前邁列辟雲從義兼東序事美西靡分階等肅

異列齊恭

重列北上分庭異陞百司揚職九賓相禮齊宋  
甥甥魯衛兄弟思皇藹藹羣龍濟濟我有嘉賓  
實惟愷悌

胤雅

皇太子出  
入奏胤雅

自管殷代哲王迭有降及周成惟器是守上天  
乃眷大梁既受灼灼重明仰承元首體乾作貳  
命服斯九置保置師居前居後日星比耀克隆  
萬壽

寅雅 王公出入 奏寅雅

禮莫違樂具舉延藩辟朝帝所執栢蒲列齊莒  
垂袞毳紛容與升有儀降有序齊簪紱忘笑語  
始矜嚴終酣醕

介雅三章 上 匡酒 奏介雅

百福四象初萬匡三元始琴獻惟袞職同心協  
卿士北極永無窮南山何足擬  
壽隨百禮洽慶與三朝升惟皇集繁祉景福互  
相承申錫永無遺穰簡必來應

百味既含馨六飲莫能尚玉壘信湛湛金卮頗  
搖漾敬舉發天稔祥祉流嘉貺

需雅八章 食舉奏 需雅

實體平心待和味庶羞百品多為賢或鼎或鬯  
宣九沸楚桂胡鹽芼芳卉加籩劑俎雕且蔚  
五味九變兼六和令芳甘旨庶且多三危之露  
九真禾圓按方丈粲星羅皇舉斯樂同山河  
九州上腴非一族玄之碧樹壽華木終朝采之  
不盈掬用拂腥羶和九穀既甘且飫致遐福

人欲所大味爲先興和盡敬咸在旃碧鱗朱尾  
獻嘉鮮紅毛綠翼墜輕翾臣拜替首萬斯季  
擊鐘以俟惟大國況乃御天派至德侑食斯舉  
揚盛則其禮不僇儀不忒風猷所被深且塞  
膳夫奉職獻芳滋不麝不天咸以時調甘適苦  
別澠淄其德不爽受福釐於焉逸豫永無期  
備味斯饗惟至聖咸降人神禮爲盛或風或雅  
流歌詠負鼎言歸啓殷命悠悠四海同茲慶  
道我六穗羅八珍洪鼎自爨匪勞薪荆包海物

必來陳滑甘滫瀡味和神以斯至德被無垠

雍雅三章

撤饌奏  
雍雅

明明在上其儀有序終事靡僇收鉶撤俎乃升  
乃降和樂備舉天德莫違人謀是與敬行禮達  
茲焉讌語

我駿惟阜我肴孔庶嘉味旣充食旨斯飫屬猷  
無爽冲和在御擊壤齊歡懷生等豫烝庶乃粒  
寔由仁恕

百司警列皇在在陞旣飫且醕卒食成禮其容

沈隱侯集 卷一  
穆穆其儀濟濟凡百庶寮莫不愷悌奄有萬國  
抑由天啓

舞曲歌

大壯大觀舞歌

大壯舞歌

高高在上實愛斯人眷求聖德大拯彝倫率土  
方燎如火在薪慄慄黔首暮不及晨朱光啓耀  
兆發穹旻我皇鬱起龍躍漢津言屆牧野雷激  
雷震闕輦之甲彭濮之人或貔或武漂杵浮輪

我邦雖舊其命維新六伐乃止七德必陳君臨  
萬國遂撫八寅

大觀舞歌

皇矣帝烈大哉興聖奄有四方受天明命居上  
不怠臨下惟敬舉無謬則動無失正物從其本  
人遂其性昭播九功肅齊八柄寬以惠下德以  
爲政三趾晨儀重輪夕映棧壑忘阻梯山匪憂  
如日有恒與天無竟載陳金石式流舞詠咸英  
韶夏於茲比盛

沈隱侯集  
卷一  
鞞舞歌

樂府失名考  
目錄作沈約

明之君六章

大梁七百始天監三元初聖功澄宇縣帝德總  
車書熙熙億坻臣其志皆懽愉

刑措甫自今隆平亦肇茲神武超楚漢安用道  
邠岐百拜奄來宅執玉咸在斯象天則地體無  
為

禮緝民用擾樂諧風自移舜琴中已絕堯衣今  
復垂象天則地體無為

治兵戰六獸為邦命九官靈蛇及瑞羽分素復  
銜丹望就踰軒頊鏗鏘掩咸護九尾擾成羣八  
象鳴相顧象天則地化雲布

有為臣所執司契君之道運行乃四肯藜言信  
蒼昊宸居體冲寂忘懷定天保  
至德同自然裁成侔玄造珍祥委天貺靈物開  
地寶窈窕降青珽參差秀朱艸

鼓吹曲

木紀謝

言齊謝  
梁升也

木紀謝火運昌炳南陸耀炎光民去癸鼎歸梁  
鮫魚出慶雲翔輔五帝軼三王德無外化溥將  
仁蕩蕩義湯湯浸金石達昊蒼橫四海被八荒  
舞干戚垂衣裳對天眷坐巖廊胤有錫祚無疆  
風教遠禮容盛感神人宣舞詠降繁祉延嘉慶

賢首山

言武帝破魏軍於  
司部肇王迹也

賢首山險而峻乘岨一作峴憑臨胡陣騁奇謀奮  
卒徒斷白馬塞飛狐殪日逐殲骨都刃谷蠡馘  
林胡草既潤原亦塗輪無反幕有烏掃殘孽震

戎逋揚凱奏展歡酺詠杖杜旋京吳

桐柏山

言武帝牧司  
王業彌章也

桐柏山淮之首肇基帝迹遂光區有大震邊關  
殪獯醜農既勸民惟阜穗充庭稼盈畝迨嘉辰  
藁芳糗納寒場爲春酒昭景福介睂壽天斯長  
地斯久化無極功無朽

道亡

言東昏喪道義  
師起樊鄧也

道亡數極歸永元悠悠兆庶盡含冤沈河莫極  
皆無安赴海誰授矯龍翰自樊漢仙波流水清

且瀾救此倒懸拯塗炭誓師劉旅赫靈斷率茲  
八百驅十亂登我聖明由多難長夜杳冥忽云  
旦

抗威言破加湖元勳建也抗一作忱

抗威授律命蒼光一作鬼言薄加湖灌秋水迴瀾

澌泊汎增雉爭河投岸掬盈指犯刃嬰戈洞流

矢資此威一作盛烈齊文軌

漢東流言義師克魯山城也

漢東流江之汭逆徒逢蠱聚旌旗紛蔽仰震威靈

乘高騁銳至仁解網窮鳥入懷因此龍躍言登  
泰階

鶴樓峻言平郢城兵威無敵也

鶴樓峻連翠微因巖設險池永歸脣亾齒懼薄  
言震耀靈威凶衆稽顙天不能違金湯無所用  
功烈長魏魏

昏主恣淫慝言東昏政亂武帝起義平九江姑熟大破朱雀伐罪弔民也

昏主恣淫慝皆曰自昌盛上仁矜億兆誓師為



請命既齊丹浦戰又符甲子辰龕難伐有罪伐  
罪弔斯民悠悠億萬姓於此覩陽春

石首局

言義師平京城仍廢昏定大事也

石首局北墉墜新堦巖東壘峻共表裏遙相鎮  
矢未飛鼓方振競銜壁竝輿觀酒池擾象廊震  
同伐謀兼善敵闢應和埽煨燼翦庶惡靡餘胤

期運集

言武帝膺錄受禪德盛化遠也

期運集惟皇膺寶符龍躍清漢渚鳳起方城隅  
謳歌共適夏獄訟兩違朱二儀啓佳祚千載猶

日暮舞蹈流帝功金玉昭王度

於穆

言大梁闡運君臣和樂休作方遠也

於穆君臣君臣和以肅關王道定天保樂均靈  
囿宴同在鎬前庭懸鐘鼓左右剡笙鏞纓佩俯  
仰有剽備禮容翔振鷺騁羣龍隆周何足擬遠  
與唐比蹤

惟大梁

言梁德廣運仁化洽也

惟大梁開運受錄膺

一作應

圖君八極

一作天冠

帶被五都

一本無冠字

四海竝嘉

一作和

會排闥欵塞

沈隱侯集  
卷一  
無異塗

沈隱侯集卷之一

沈隱侯集卷之一  
不孝

沈隱侯集卷之一  
不孝



